

# 歷代 日記叢鈔



歷  
代  
日  
記  
叢  
鈔

第三九冊

日記叢鈔

(清) 顧廷綸撰

# 天台日記

# 序

天台四境環山地瘠民貧號稱難治凡官斯土者非  
疲於撫字卽困於催科率皆救過不遑期於免咎而  
止唯皖江舒菴戴公居官不及二載而修舉廢墜無  
不稱便士民至今樂道之所著天台治畧可覆按也  
繼戴而興者其我盱江浣秋張公平公距戴公時又  
百數十年俗之難治又將數倍公下車伊始卽延訪  
民瘼勤求治理凡職所當爲心所能盡者若黌宮考

舍溝渠社倉設義塚以埋胔建總坊以表節與夫賓  
興濟貧水櫃禦災諸大事無不爲斯民次第舉行所  
以兩載以來吏畏其威民懷其德

上憲逖聽循聲同列遙咨治譜卓哉煌煌真不媿民  
之父母者乎余與公爲同門友見公之治行邁越前  
哲因屬公將日所施行者錄爲一書以資世法公遜  
謝再三勉徇所請顏曰日記徵實也余觀治畧一書  
竊意戴公之爲人大抵天質剛果不畏強禦故其爲

政信賞必罰人不敢欺公則躬躬自愛教誠百姓反  
復開導若父兄之告子弟者然小民具有天良未有  
不感且泣者其足以繼治畧之後爲天台致治之書  
無疑也昔人論治天下謂當以柔道行之公眞克踐  
斯言矣爰綴數語以弁諸簡首  
道光九年歲次己丑首夏上浣

治門教弟顧廷綸拜譔

序

天台日記者蓋

縣大夫浣秋夫子日記天台之治要也客歲戊子春

仲振家

承鄭鄉師臺命猥爲夫子撰焚香閣記當是

時夫子蒞任纔五閱月耳邑之人喁喁向化僉以爲清獻齊芳大夫之惠利於我台邦者未可限量迄今兩載以來駿烈豐功日益顯著其君子仰誦昭告爭自濯磨而有勸必應其小人馨聞明諭互相懋勉而

用戒咸孚此其故何哉仁義兼施而感召之情同也  
竊嘗觀古之循吏或造成多士或創建學廬或刈除  
稂莠或闡發幽貞或澤及枯骨或備荒禦災而良法  
昭垂或祈晴禱雨而明神歆鑒或禁溺嬰兒而以鄭  
爲字或導䟽原隰而以殷名渠夫此數事者居官行  
政出其一二已足彪炳簡冊傳頌弗衰况我夫子奉  
宣

國恩作民師帥凡古良吏之所有以一身兼而有之

其樹立顧不偉歟然則人謂天台難治非難治也無  
治才易治者不治有治才難治者亦治夫子治業昭  
彰闔境巷歌衢祝固赫赫有明徵已第恨借寇願違  
而清撿卓績早爲

上游所器重

奏請調篆魏塘彼都之幸抑台民之不幸也

振家是

以披攬日記流連往復謹序一言豈曰能文亦聊以  
伸杜父召母之戴於無涯云爾

道光己丑菊月望後一日

治下門生袁振家拜撰

邑侯浣秋老夫子清河賢裔盱水通儒伯祖太史曉  
樓公爲

本朝名家高祖大令牧夫公爲寧海名宦 夫子文  
章家學政事先芬出宰將近三年可傳不止十事姑  
就創成之實績聊寫悅服之公言惟自愧巴吟未工  
尹誦尙俟生花之大筆更揚製錦之循猷云爾

下車觀風

一車薄笨下山城經濟詞華並擅名欲以絃歌宣化

理還於簿領結文情冰壺一片心無滓金鑑千秋眼  
倍明風氣不教趨愈下顓蒙從此荷裁成

總坊表節

九重詔下闡遺芳誰爲搜羅爲表揚

公訪查苦節存  
沒百餘獎給匾

額彙詳  
請旌

四字淋漓輝綽楔一時感激遍嫋嫋坤貞自

是無波井節苦長垂不朽坊巾幗亦知公美舉買絲  
欲繡意難忘

泮宮飾舊

舊制新模劇足誇  
櫨楹尙覺少光華  
特將白板施丹漆  
最好紅墻煥赤霞  
櫺點台星光赫奕  
門迎華嶺勢崒嵒  
卽今入廟觀瞻肅  
習禮兢兢敬倍加

考舍營新

彈丸未易起文場  
結構從新費較量  
廣廈千間成指顧  
羣儒一日盡眉揚  
几安頓覺揮毫便  
宇邃偏教滿座涼  
不似當年妨露處  
棠陰遍覆愛何長

賓興濟貧

三月廿一日  
八桂當秋挺艷新攀花人合趁良辰窮途阮籍情堪  
憫慳第劉蕡志欲伸難得黃金酬壯士果從白屋舉  
嘉賓錦標奪取歸應笑席帽於今不戀身

會課崇實

一室西邊最潔清公餘稍暇會羣英飽餐曾擾先生  
饌實學休同處士聲歐子體裁嫌扎茁蘇公氣象喜  
崢嶸但教根柢經兼史請試千言頃刻成

陂塘興利

新豐廣潤古陂塘開築相傳利最長因惜山田多瘠  
薄遂招農父共商量波明十頃流青隴水漫三春灌  
綠秧况復焚香虔禱祝天教時雨徧城鄉

### 水櫃禦災

祝融肆虐恐焚如貯水通街患竟除已見反風銷烈

焰

戊子正月大巷口失火公仰  
天叩救下雨息風火亦頓滅

不聞禁夜擾窮閭晴

村日靜農安業深巷更闌士讀書細數城門宵柝急  
幾曾遺害到池魚

社倉備荒

木飢水毀本無常師古應教設社倉積穀豐年防歉  
歲指困實惠濟窮鄉樂公榮祀垂芳久朱子精思立  
法良莫道救荒無善策邇來陳粟已千箱

義塚掩骼

荒郊夜夜閃青燐瓦敗椽崩鬼哭頻異域幾時歸馬  
鬣孤魂何處疊魚鱗買山貲辦曾尋穴瘞旅文成合  
勒珉公作天台義塚記盛德埋蛇猶報速况公掩骼義兼仁

治下門生陳森謹呈

尺三寸已

詩

四